

Павел Шиболкин.

(Вильямс)



Павел Ш еболкин
(ВымъТаш)

ГЫЯСЫ
ПАНЫД

Бөрйөм гижӧръяс

1964

Коми Книжной
Издательство
Сыктывкар

C
Ш-36

ПОЭТ ДА СЫЛӨН КНИГА

1920 во пом. Коми сиктъясö пыр паськыдджыка да ыджыд вынөн пырö выльыс. Тайö кад кежлас пöшти став вöлөстъясын нин вöліны партийной организацияяс, котыртчöны комсомольской ячейкаяс. Найö отувтöны том йöзöс, кыпöдöны выль вöсна тыш вылö. Кокни öнi шуны: кыпöдöны тыш вылö. 1920 воыд абу öнiя кад! Грамотнойясыд сэки вöлі лыда, а тöдысьясыс, кызди да мый колö вöчны,—ещö этшаджык...

Буретш та вöсна Сöветской власть котыртöм бöрын пыр жö заводитчис колана йöзöс велöдöм, воссялісны курсьяс да школаяс. Öти татшöм курс вылö, кодöс котыртiс партиялөн Усть-Сысольской уком, локтiсны коми сиктъясысь зоньяс да нывьяс. Накöд тшöтш вöлі и Паджга сиктысь Сизь Домöлөн дас вит арöса пийс, Павел. Локтiс сiйö карö первойысь, волисполком да партиячейка индöм серти: велöдчыны комсомол удж котыртысьö.

Квайт арöса детинкаөн сiйö колис бать-мамтöг. Оліс код ордын веськалö, уджаліс мый вермис, сöмын мед вердасны-а. Öти вок вöлі дай сiйö сёрөнджык уси еджыдъяслы паныд тышын. Паськөм

прамой эз вӱв, сідз ротаснас и ветлӱдліс, сійӱн жӱ
и карӱ локтіс.

Пырис сійӱ мукӱдъяскӱд тшӱтш укомса секретарь
ордӱ, збой, визув, но шогмытӱм лӱк паськӱма.
И секретарыс пыр жӱ казяліс, кутіс юасыны: кы-
тысь, кодлӱн, мыйла локтіс? Синсӱ весиг эз лап-
нитлы збой детинка, висьталіс ставсӱ, быттьӱ водз-
выв велӱдӱм урок:

— Шеболкин ме, шуӱны Павелӱн. Бать ни мам
абу. Вок воюйтӱ кӱнкӱ. Кӱсья велӱдчыны тшӱтш.
Ачым Паджгаысь лоа, Сизь Домӱлӱн...

— Сизь Паш, сідзкӱ, лоан?— шмонитіс юасысь.

— Да,— ньӱти яндысьтӱг вочавидзис зон.

Тадзи тӱдмасис Павел Андреевич Шеболкин Нӱб-
дінса Витторкӱд. Юасысьсыс вӱлі сійӱ — партиялӱн
укомса секретарь В. А. Савин.

Тайӱ тӱдмасьӱмыс дзикӱдз вежис том мортлысь
оласногсӱ. Мӱд лунас нин сылы сетісны кӱм-пась-
кӱм, ставсӱ пӱшти выльӱс: фуфайка, гмнастӱрка да
гач, кыз пыдӱса гынкӱм, салдатскӱй шлем да ӱти
чуня кепысь. Вежис весиг нимыс: Сизь Пашӱн пыд-
ди кутісны шуны Виль Пашӱн. Курсьяс вылын ве-
лӱдчигӱн на Виль Паш заводитіс воливлыны том
коммунаръяслӱн карса клубӱ (сійӱ вӱлі торговля
кузя ӱнія министерство керкаын), лыддис сӱні кыв-
бурьяс Егор Колеговлысь, Нӱбдінса Витторлысь.
Мукӱд дырйиыс весиг висьтавліс, мый лыддӱӱ да
ссылӱ асьыс стихьяссӱ.

Кык тӱлысса велӱдчӱмыд вывтӱ ӱдйӱ помасис. Бара
колӱ вӱлі корсьны кынӱмпӱт Паджгаын: плитны
пес, вуджӱдчыны Сыктыв вомӱн, кыскасьны. И та-
дзи кык во чӱж.

1923 воын П. Шеболкин выльысь локтö Сыктив-карö. Сэки сылы локтö вöлі 18 арöс. Комсомол ин-діс том мортöс курьер-переписчикöн Коми трестö, кодi сійö кадас öтувтліс область пасьта став за-водьяссö да кустарнöй предприятиеяссö. Квайт тö-лысь уджалöм бöрын П. Шеболкинöс индöны велöд-чыны сэки сöмын на воссьöм совпартшколаö. Кöкъя-мыс тöлысь велöдчисны 90 том морт.

Буретш тайö каднас, совпартшколаын велöдчигöн, «Югыд туй» газет печатайтiс Виль Пашлысь медвод-дза кывбур «Югыдлань». Кадысь-кадö петавлісны кывбуръяс и водзö, но тайöс оз на позь лыддыны настоящей литературнöй уджөн: вывті на слабöсь вöліны первой гижöдьясыс.

Совпартшкола помалöм бöрын П. Шеболкин уджалö МОПР-лөн обкомын секретарөн, областнöй да уезднöй военкоматъясын Сыктивкарын да Ижма-ын. И сöмын 1928 воын П. А. Шеболкин петö сійö туй вылас, кодöс писькöдны заводитліс Нёбдiнса Виттор отсöгөн на. Сійö пырö уджавны «Югыд туй» газетö.

Тайö кадсянныс матö дас во Виль Паш уджалö га-зетын, издательствоын, коми писателяслөн Союзын, литературно-художественнöй журналын. И пыр — литературнöй олöм шöрын, йöз пöвстын да йöзкöд.

* * *

Кызьöд вояс мöд джынйö — комынöд вояс заво-дитчигөн Коми областьын, кыдзи и быдлаын, муніс культурнöй революция. Сійö вöлі тöдчö быдторйын. И эз медбöръя места босьтлы сиктын культурно-про-

светительной удж — клубьяс да лыддысян керкаяс
восьтём, уна лыда быд сикас кружокьяс котыртём,
спектакляс да гажа рытьяс нуодём.

Медводдза гажа рытьясыс вöліны гражданской
война воясö на. Найöс нуодисны Нёбдинса Виттор,
Афанасий Маегов да мукöдьяс, а бöрынджык ку-
тисны выступайтны тшöтш и том гижысьяс. Кытчö
сöмын эз воыны найö. Олöмаджык йöз и öні на
казьтылöны Нёбдинса Витторöс, Егор Колеговöс, Сим
Ваньöс, Выль Пашöс...

Дас воён Выль Паш воліс Эжва вожса и Сыктив
йывса, Луз дорса и Печора бокса сиктьясö да вөр-
пунктьясö, и быдлаын лыддис асьыс кывбурьяс,
поэтлөн пöсь кывйөн шыасьліс уджалысь йöз водзö
сувтём могьяс вылö, ошкис бурсö, серавліс лёксö.

Тайö каднас Выль Паш гижис унджык да медбур
кывбурьяссö, очеркьяссö да публицистической
статьяссö. Сэки, пöжалуй, эз петав журналлөн ни
öти номер, көні эськö эз вöv печатайтöма Выль
Пашлысь кывбур, очерк, перевод. Сідз жö вöлі и
коми газетьясын.

1929 воын нин Выль Паш лэдзö первой книга —
повтём детинка йылысь висьт «Партизан Ваньö»,
мöд воас петö торья книгаөн ыджыд поэма «Гу-
дöк». 1932 воын петö «Бордья вояс» нима кывбур
чукөр. 1935 воын — мöд сборник. Сэки жö поэт йö-
зöдö сыланкывьяс, переводьяс, лэдзö торья кни-
гаясөн кык очерк — Лöзымса «Лозунг» колхоз йы-
лысь да вөр лэдзысь-тысячник Антон Карманов йы-
лысь. И мый йылысь көть эз гиж сійö, сылөн быд
кыв петліс сьölöмсяныс, сёрнитіс сійö партиялы.

народлы пьдисянь эскөмөн, ас водзас ыджыд мог
сувтөдөмөн.

Поэтлөн медся главнөй темаыс — партия, Рөди-
на да народ. Аслас медводдза кывбурьясысь өти-
ын сийö гижлис:

Став вына корабльлөн — СССР нимыс,
Корабльнас веськөдлө Ленинлөн ки;
Гыяскөд вермасьны — муртавтөм выныс,
Сьөлөмас ыпъялө куслытөм би.

Тайö темаыс коли Виль Паш творчествоын пыр
кежлө. Но поэт сьылө и на йылысь, кодъяс сетис-
ны ассьыныс том олөмсö Советскöй власть лөсьö-
дөм вöсна, виль олөм вынсьөдөм вöсна, сы вöсна,
«мед олөмным вöли пыр югыд да бур». Поэт вись-
талө, мый кыа петигөн лыйлөм быд кык партизан
пыдди аскинас петöны сиктысь кызь морт, и быдөн-
лөн мыш саяс винтовка. «Куслытөм кодзувьяслы» —
Изва йывса гөрд партизаньяслы, Коми муын граж-
данскöй война кадся повтөм геройяслы сийö поэт
ассьыс медся пöсь кывйөн гижөм эпическöй произ-
ведениесö. Символическöй серпасөн сийö помалö
поэмасö:

...Дас кык морт!
Куслытөм кодзувьяс тi,
Ён тышын вöлинныд збойöсь.
Аддзан, ёрт!
Öзйö кыз пармаын би —
Югöрсö му пасьта койö.

Эз весьшөрö лоны гырысь жертваясыс, медбур
йөзөн кисьтөм вирыс. Налөн тышыс сетис ыджыд
радлун да шуд. Пемыд парма весьтын нэм кежлө

өзйис югыд кыа. Поэтлөн лирическөй геройыс тыр
правоон вермө шуны:

Отув уджавны кыпид и гажа,
Юртө өшөдны өні оз туй...
Тода: некод оз бергөд нин важас,—
Ленин партия индіс кө туй!

Кыпид да гажа отувъя удж — зэв ыджыд тема
П. А. Шеболкин творчествоын. Аслас унджык про-
изведениеясон поэт кыздытты шуо: партиялөн
индөдьяс серти дугдывтөг вежсьо олөмыс, а олөм-
ыскөд тшөтш вежсьо и ачыс мортыс. Тайөс зэв
бура петкөдлө колхозной бригадир Семёнлөн олө-
мыс. Унаысь төдліс Семё шонді петөм, но быттьо
эз и казьявлы шондіыслысь зарни югөрьяссө, эз ка-
зьявлы радлунсө, кодөс вайө тувсов шонді. «Мыр-
кис Семё шудтөм сьөкыд удж. Овліс гөля — уджйөз
пиө пөдліс...» И сөмын колхозын аддзис шуда
олөм, гажа удж. Та вөсна Семё тышкасьліс ачыс,
но эз пыр во шудыс. Колө вөлі вөчны ещө өти
воськов водзө — выльлань. И Семё мунө Назар
Миш бөрся, коді ставнас сиктсө нуөдө водзө, пыр
выль и выль шудлань.

Мича серпасьяс корсьө да аддзө поэт выль олөм
петкөдлігөн, гажа удж да шуда радейтөм йылысь
сьылігөн. Шуоны, мый поэт сөмын сійө, коді уна
тысячаысь аддзывлөмтор йылысь вермө висьтавы
аслыс ногөн, сідзи, медым поэтлөн висьталөмыс
вөрзьөдіс сьөлөмьяссө лыддысьысьяслысь, мед
лыддысьысьлөн сьөлөмыс кутіс тіпкыны поэтлөн
моз жө — өти өдөн, өти көсйөмөн.

Павел Шеболкин кужө тайөс шедөдны. Та йылысь

висьталоны кывбуръяс да сьыланкывъяс, кодъяс пырисны тайö сборникас. Поэт оз вöтлысь сложной образъяс бöрся, оз корсь сьöкыд оборотъяс да уна судта сравнениеяс, а вöдитчö сийö кывнас, кодöн сёрнитöны асланыс быд лунъя олöмын прöстöй йöз. Гашкö, тшöтш и та вöсна öнöдз волнуйтöны мянöс Виль Пашлөн кывбуръясыс, кöть найöс гижöма во 30—35 сайын. Коркö, комынöд во-ясын, вöли шуöны, мый Виль Пашлөн поэзияыс кос да руд, мый сийö «гыпкö, зыпкö; лыддян — юрид пыктö, кыз воздушной шар». Мыйтакö, дерт, тані вöли и збыльыс, эз этша сэки гижлы быдтор йыв-сьыс да быд ногыс поэт. Но сы творчествоын вель уна бурыс, дыр кежлö колянаыс, быдөнöс волнуйтанаыс. Найöс и бөрйис поэт тайö сборникас, бөрйис требовательной, чорыд киön, унатор бурмöдис, а слабсö, лёкджыксö — шыбитіс.

* * *

Сборниксö нимтöма: «Гыяслы паныд». Нимыс быд боксянь зэв символическöй. Тані печатайтöм кывбуръясын петкөдлöма и гыяссö, и налы паныд мунысьяссö — виль йöзöс, кодъяс торъялöны важ йöзысь сöмын сийön, мый найö — сöветскöй йöз да мунöны Ленин партиён индöм туй кузя. Мунöны зумыд воськовъясön, топыда öтувтчöмön, öд найö төдöны, мый туйыс абу шылыд. Паныдасьлöны сэнi уна сьöкыдлунъяс. Найöс, сьöкыдлунъяссö, венöмыс и эм сийö, мый ми шуам олöмön: быд мортлөн олöмön и быдса страналөн олöмön.

Поэтлы и аслыс ковмыліс мунны гыяслы паныд, венны зэв гырысь сьöкыдлунъяс. 1937 воын сийöс

некутшөм мыжтөг пуксьөдiсны вит во кeжлө тюрь-
маө. Мыжа таысь Сталинлөн личность культ дырйи
артмөм произвоыс да революционнөй законность
дзугөмыс. И век жө поэт бөр сувтiс кок йылас, и эз
прөстө сувт, а оружиеөн киас мунiс дорйыны социа-
листическөй Рөдиналысь свобода да независимость.
Немецко-фашистскөй захватчикъяслы паныд бойясын
петкөдлөм мужествоысь да отвагаысь Рөдина награ-
дитiс салдатос Краснөй Звезда орденөн да боевөй
медальясөн.

Фронт вылысь воөм бөрын П. Шеболкин уджалө
республиканскөй да районнөй газетъясын, радио-
комитетын, Коми книжнөй издательствоын, тшөкыда
выступайтө статьясөн да очеркъясөн. Гижө и кыв-
буръяс да сьыланкывъяс. 1962 воын поэт лэдзө че-
лядьлы лыддьөм вылө книга — поэма-мойдкыв
«Повтөм Васька».

Павел Андреевич Шеболкин кувсис 1963 вося сен-
тябрь 14 лунө. Висигас нин поэт уджалiс тайө сбор-
никсө лөсьөдөм вылын. Сборникө пырис став мед-
ся бурис, мый гижис поэт: медводдза кывбурсө
пасйөма 1928 воөн, медбөръясө — 1961 воөн.

Книгаас торъя разделөн пырисны переводъяс. Зэв
ыджыд уджысь, кодос вөчис П. Шеболкин сөветскөй
— поэтыяслысь произведениеяссө коми кыв вылө ву-
дждөдөм кузя, пырис татчө ичөтик юкөн.

Колө чайтны, коми поэзия радейтысьяс казяласны
тайө книгасө. И оз сөмын казявны, а донъяласны до-
стоинство сертиыс.

Г. ТОРЛОПОВ.

1 Кувбурас

ГЫЯСЛЫ ПАВЫД...

Ш ызьёма зэв ёна — океан увгё,
Чардалё, гымалё, шливгё съод зэр,
Гыясыс гырысьёсь, помала шувгё...
Чорыда гызьёма океан шөр...

Океан шөрөдыс гыяслы воча
Корабльён ёсь нырыс писькөддө туй,
Гыяссө юклалё, мунё пыр водзё,
Корабльёс океан йирё оз суй.

Мудзытөг, сувтлытөг ваёдыс мунё,
Некутшөм потшөсьяс оз кутны тан.
Корабльё водзланьё веськыда нуо
Повтөм да вежөра роч капитан.

Сталь вына корабльён — СССР нимыс,
Корабльнас веськөдлө Ленинлөн ки;
Гыяскөд вермасьны — муртавтөм выныс,
Сьөлөмас ыпчлө куслытөм би!

1928 во

КЫА ПЕТИГӨН

Зэв дөзмөма, омлялө лэчыд вой төв,
Лым бисерөн сывкөдө, воома төв.
Сьод пармаын пемыд, тшем кыпөдчө вөр,
Төв лайкйөдлө пуяс, сэн көдзыдыс скөр.

Ю кыр йылын, вөр пөвстын, сулалө сикт,—
Лым толанас тыртөма, вевттьөма дзик.
Йөз узьоны лөня, сикт ланьтөма. Вой.
Төв шутьлялө, шувгө — кор бөрдө, кор збой.

Лөз йи вывті пуркөдө, бусйысьө лым,
Көрт асыкөн дорөма — Эжваыс кын.
Скөр войвылын төв миян көдзыд да кузь,
Оз весьшөрө лэбигас лэбачыд усь.

Крут кыр йывсянь ю вылө лэччө дас морт,
А на костын мунөны көмтөм кык ёрт.
Штык чурвидзө, лэчыд — он пышйы, он мун...
Со на водзын сьөдалө Эжвалөн сюн.

Кор юкмөссө паськыдөс дасьтисны тан,
Дзик рөч йылас сувтисны кык партизан.
Друг сярөбтис лыйөм гор — поткөдіс сьөрт...
Ю мөдарын кыаыс сывкнитис гөрд.

Тадз кулісны ёртъясным, пуктісны юр,
Мед олёмным вөлі пыр югыд да бур...
Но аскинас кык пыдди сиктысь кызь морт
Винтовкаён мыш саяс колисны горт.

1928 во

ЧАПАЕВ

Зэв гажа, югыд вöлі лун,
Гöрд шонді яра пöжис кушын;
Дыр тайö жар луныс оз вун,
Чапаев кодыр пессис кытшын.

Казакъяс, кыдзи чорыд шер,
Лэбзисны вöрсянь гöрдъяс ылö.
Пöсь вирöн тырис мир туй шöр,—
Ёсь лыйсöм ылöдз вöлі кылö.

Боецъяс эз жалитны вын,—
Чапаев сьöлөм налы сетö;
Эрд весьтын лайкъялö сьöд тшын,
Вир кисьтан бой оз лöньлы сэтөн.

Чапаев пессьö, ставыс вир:
И пельпом ранитчис, и сойыс...
Народлөн повтöм багатыр
Пыр öтмоз косясис яр бойын.

Ю дорын лыйсисны зэв дыр,
Казакъяс босьтисны нин кытшö;
«Чапайлөн» кытчöдз вын эз быр,
Медбöрын венсисны дзик кыкөн.

— Тэ варччы ю мөдарас вай,—
Том друглы ньөжйөникөн шуис.
И юө чеччыштис «Чапай»...
Ураллөн ва геройос нуис.

1928 во

„МУ ВЕЖӨМ“

(Д ж е н ь д ö д ö м ö н)

Мысса (Кулөмдин р.) „бурсьылысьяс“ чукөрөн веськөдлысьяс 1928 вся тулысын лэдзлісны сёрни, бытьөкө Эжва пөлөн лоö „му вежөм“ — Мыс да матігөгөрсә мукод сиктьяс пө вöясны ад гуранö — пропастьö, коді артмас „му вежигөн“.

(Г а з е т ь я с ы с ь.)

Мыс сиктын сюсь дядьö овлөма,
Пыртөмсянь Степан ним новлөма...
Сэтысянь уна во мунöма —
Важөн нин Степаныс кулөма.

Мортыс пө дышиник вөвлөма:
Сьöкыдысь, уджъясысь повлөма,
Кокниа кынөмпöt корсьлөма —
Сьывлөма, пöлянөн ворслөма.

Кузь шайтла Уралөдз ветлөма,
Косөн пө ваысь пыр петлөма.
Шуöны: гуся кыв тöдлөма,
Йöзыслы быдторсö нөдлөма.

Сейны да овны, дерт, Степанлы колө...
Уралсянь мөдөдiс Мыс сиктө чолөм:
«Олөмыд тiян зэв сьөкыд,
Ворсө тай, вокъясөй, рөкыд.

Господьлысь милөстьсө виччысьны колө:
Юрбитөй, кевмөй да ен ногөн олөй...
Сьөлөмтө выль биён öзтөй —
Ен сәки оз вунөд йөзтө».

Регыд и ачыс тшөтш Мыс сиктө воис,
Йөз пөвстө вель уна пөсь кывъяс койис:
Енкөд пө сьөкыдсө вермам —
Енджыка сылы вай кевмам!

Сюсь Степан весьшөрө кадсө эз вошты,
«Бурсьылысь» öтувтчөм Мыс сиктө восьтiс...
Господь пө отсалас меным
Тiянлысь гөльлунтө венны.

Мөдiсны войпукъяс-сьылөмъяс вөчны,
Вичкоса сьыланкыв комиён тэчны.
Пырисны сэтчө том нывъяс
Голькыны выль сьыланкывъяс.

Степанөс мыссаяс ошкисны ёна:
Зэв пө өд Степаныд миянлы дона...
Ен ног пө велөдө овны,
Бесьясысь видзчысьны, повны.

Выль керка лэптисны Степанлы йёзыд,
Вайисны ыж куяс, эз вöv мед кöдзыд;
Вердисны медчöскыд няньön,
Йöv-выйön, чериön, яйön.

Тадзикön коркö нин сьöd парма вöрын
Паськаліс Мыс сиктын — Эжва ю дорын —
«Бурсьылысь» чукöрлön вужйис,
Воысь-во водзö пыр вуджис.

* * *

Уна кад сэтысянь бöрланьö мунис,
Йöзыслön тшыгъялём важön нин вунис.
Сöмын тай «бурсьылём» Мыс сиктö колис.
Вужъясис чорыда — дыр на зэв оліс.

Степанös вежисны сиктса «чераньяс»,
Кодъясös йöзыс жö вердлісны няньнас;
Кодъяслы уджаліг кисьтлісны ньылём,—
Везъясön гартлісны найö «бурсьылём».

Шуисны: «Эскöй ті миянлы, вокъяс...
Кулам да, бырасны лёк курыд шогъяс.
Энö тан лöсьöдчöй бурджыка овны,
Колö пыр милöстя господьысь повны.

Эн ветлöй пукавны, лыддьысьны клубö,
Енмыдлы абу зэв сэтшöмыд любö.
Му вылын сьökыда, гöля кö олан —
Кулан да райö тэ пырысь-пыр воан...»

Нинём öд шунытö — нюлöны кывнас,
Гартöны войтырös ен-везъя сывнас.

Зильёны кыскыны важланьё, бөрө,
Көсийёны пөдтыны кадья нюр шөрө.

* * *

Тулыснас, недыр мысыт лымсылём бөрын,
Турун кор чуткөдчис му вылын, йёрын —
Мысса йёз шызисны, шордлёны өдйё,
Быттьөкө быдөнлөн керканыс öзйё.

«Господьёй-енмөй, өд «му вежём» воё,
Ставнымлы кадтөгыс сгинитны лоё...
Веськыдвыв кыркөтшыс Эжвалён кырас —
Пропастьё Мыс сиктным путкыльтчас,
пырас»...

Унаён шуисны пышйыны вөрө:
«Гашкө нө, енмыс сэсь йөзтө оз вөрөд...»
Кодсюрө овмөссө вузавны мөдис,
Быттьөкө куломсө збыльысь нин төдис.

Кайисны комынён яг шөрө овны,
Сьөлөмыс эджык кут сэтөні повны.
Кутисны уджавны, став вынсьыс мыркны,
Разалём овмөслысь гурансө тыртны.

Во чөж нин мыссаяс олөны ягын,
Дзевбисны пармаё «му вежан» кадын:
Уна и пыкисны сир курыд шөгсө,
Уна и төдлісны сьөкыдсө, лёксө.

Коркө и на динөдз воис друг юөр:
«Му вежём» весьшөрө больгём да шуём...

Мыс сиктын дзоньвидза быдөн на олам,—
Гортад бөр ставнытө овны ми корам».

* * *

Тадзикөн Мыс сиктө «му вежём» воліс...
Дыр на зэв йёз пөвстын казытылём оліс.
«Бурсьылысь» чукөр сэн вужъясьліс пыдө,
Попъяс да озыръяс гартчисны кытөн:
Быд ногыс жмитісны съод пемыд йёзөс,
Кулём мысьт вөйісны налы «рай» өдзөс,
Збыль вылас олөмсө пөртісны адө,
Вөчисны йёзыслы муртавтөм пакөсьт.

1928 во

ТОМ ОЛӨМ

Лэччыны кутіс гөрд шонді,
Кыаыс зэв мича, дон.
Ывлаын пемдыны пондіс,
Гудөкөн петіс том зон.

Ворсөмыс гудөклөн кылө,
Сьөлөмтө кырыштө пыр...
Бурлак-зон кыпыда сьылө,
Йөла шы юргө зэв дыр.

Ва дорлань ворсігтыр лэччө,—
Кыр дорас төдса льөм куст...
Мича ныв воас кө сэтчө,—
Радейтөм сылөн эз кус.

Льөм пулань долыда мөдіс.
Мусаыс виччысис сэн...
Өнісянь бурлак-зон төдіс —
Ныв сійөс радейтас нэм.

1928 во

ТОМ ДЫРҢИНЫД ЖӨ

Уна пөлөс
Гора гөлөс
Ссылө коми сыланкыв,—
Со көн гажыд,
Абу важыд!
Кужө сывны зон и ныв.

Изъя шорын,
Кыркөтш дорын
Рытнас кадсө коллям дыр:
Йөла юргө,
Ягыс шувгө...
Нимкодьлунным морөс тыр.

Гажа лунө
Ставыс вунө,
Сөмын муса кыркөтш дор...
Сэсянь ылө
Ссылөм кылө...
Орччөн дзольгө изъя шор.

Өтчыд волө
Гажа олөм.
Волө сэки, кодыр том.

Съывны колѳ,
Энѳ полѳй,
Пѳрысьман кѳ, воас пом.

1928 во

ДЖУДЖЫД КЕРӨСЫН

Джуджыд керөсын,
Гажа нөрысын
Отнас важ керка сулалө дыр.
Юсянь зэв ылын,
Сиктссянь вель ылын,
Сөмын тыдалө вөр да сьод мыр.
Керка бердөдыс,
Дзоля эрдөдыс
Дзольгө-визувтө ичөтик шор.
Вөрлөн шувгөмыс,
Төвлөн увгөмыс
Отка керкаө кылө көть кор.
Рытын воывлө
Сөрөдз овывлө
Визув шор дорын том мича ныв.
Нора сьылөмыс
Частө кывывлө,
Сөмын Ванюкыс сийөс оз кыв.
Гажа овлісны,
Кадсө коллісны
Ванькөд аддзысьліг некымын во,
Призыв восьтісны —
Ваньөс босьтісны
Гөрд салдатын служитны кык во.
Олөм-вылөмнас,

Гора сьылӧмнас
Том ныв пальӧдӧ ассьыс ёсь шог:
Быд вой вӧталӧ,
Частӧ мӧвпалӧ,—
Ваньыс дыр-ӧ нин бӧрсӧ оз лок...
Арся пӧраын
Джуджыд гӧраын
Ӧтчыл тыдовтчис шынеля морт:
Аддзис Анюшыс,
Локтӧ Ванюшыс,
Локтӧ том нывлӧн медмуса ёрт.
Тырис нимкодьӧн
Нывлӧн сьӧлӧмыс,
Весиг гажаджык лои сьӧд вӧр...
Джуджыд керӧсын,
Гажа нӧрысын
Ыджыд радейтӧм ыпнитис бӧр.

1928 во

МӨС ВИДЗӨМ

Төда на бура ме томдырся олөм:
Мөс видзлім арын ми пыр.
Төда на мөсьяскөд му йөрысь волөм,
Оз на вун сійө зэв дыр.
Чукөртам мөсьясөс зэв ыджыд йөрө.
Асылын кынмө нин ки...
Ветламө песла да сямөдла вөрө,—
Пестамө зэв ыджыд би.
Картупель пөжалам лунтырөн уна...
Видзөдам, мөс мед оз мун.
Тадзи и ар помыс челядьлөн мунө,
Мөсьясөс видзам быд лун.
...Колис тай, майбырөй, томдырся кадыд,
Бөрсө нин некор оз лок.
Аддза кө мөс видзөм, босьтлас на радыд,
Сьөлөмыд чеччалө... Ок!..

1928 во

БЫТТЬӨКӨ ӨНІ НА...

(В. И. Ленин кулаи лувсянь вит во тырём кузя)

Быттьөкө өні на
Морөсыс уджалысь йөзлөн
Здрөгмуні, чорыда доймис;
Быттьөкө өні на
Сьөлөмөн бөрдимой ньөжйөн —
Шог босьтіс... лун шөрнас воймис.
Вит во нин сәтысянь
Бөрланьө пөраыс коли,—
Шогсө тай нетшыштны сьөкыд:
Йөзыслөн морөсас
Шоглуныс өнөдз на оліс...
Сьөлөмын ыркъяліс көдзыд.
Шогыс көть морөсыс
Оз вермы вешйыны дойтөг,—
Куйлө сән быттьөкө эжа,
Виль олөм тэчигөн
Уджалам чорыда, повтөг,
Өтувийөн вождьнымөс вежам.

1929 во

КУСЛЫТӨМ КОДЗУВЪЯС

(Д ж е н ь д ö д ö м ö н.)

Сьөлөмсянь сиа Изьвайывса
гөрд партизаньясы, гражданскöй
война кадея повтөм геройясы

Сөдз да визув Изьва йылын
Куткырвидзö Розьдін сикт...*
Чусмөм керкаясыс сылөн
Парма сэрөгас нин дзик.

Уна во сайын, зэв важөн
Тані шувгис сөмын вөр.
Зверь да пөтка ас ног гажөн
Мичмөдлісны парма шөр.

Коркө коми кыйсьысь воис,
Вөчис татчө олан поз...
Біджыд кадөн выль сикт лон —
Кыптіс уна керка гоз.

Сиктын олысь войтыр збойёсь:
Йёзөс быдтіс сьökыд удж.
Налөн синмыс бикинь койё...
Гортас оз пукавны сутш.

* Изьвайыв сикт.

Коми войтыр нэмсö кыйсьö,
Сылы тöдса быд пу кост;
Тані быд морт сямöн лыйсьö,
Да и пармаын оз вош.

* * *

Озыр купеч сэкся кадö
Кыйсьысь вылын дурліс тадз:
Зіліс овны ськөд «ладөн»...
Кужліс кульны кушөдз нач.

Прöмыс вылö сетліс уджөн
Пуля, порок, пистон, дрöб.
Кык дон босьтны вöлі кужö —
Корас зверь ку ыджыд нöб.

Кыйсьысь, вөрсянь воём бöрын,
Муртса вештас уджйöз дон.
Сэсся бара ветлö вöрын —
Тадзи оз и волы пом.

Сьökыд уджыс, парма вöрыс
Сетіс комилы збойлун.
Дырөн кыптис йöзлөн скöрыс:
Тайö нартитём эз вун.

* * *

Зумыштчём парманым лэптыштіс юрсö,
Кылыштіс пельяснас выль нога шы.
Шызьöдіс войтырöс, вөр-васö, нюрсö,
Йöз вывті гöгыльтчис вералан гы.

Царь-батълөн трон-пуклөс путкыльтчис, пөри,
Бөрынджык ратшмуні кольөм сись вуж.
Мырсьысь морт дөзмис — и важ мирсө гөрис,
Петкөдліс нартитысь баръяслы пуж.
Роч муын гөрд знамя енэжлань кайис,
Кыпыда юркнитіс збой сьылангор.
Став йөзлы вөвлытөм выль юөр вайис:
«Ен тышын му вылас шуд ассьыд дор»...
Октябрьлөн төв нырыс комиөдз воис,
Кыпөдіс йөз пөвстын муртавтөм вын.
Пармаын югыдджык шондіыс лои,
Небзьөдіс тундралысь сьылытөм кын.

* * *

Латкинлөн бандаыс
Штыкөн да пуляөн воліс
Збой коммунаръясөс нөйтны.
Би кытшын Изьвайыв
во пөшти тышкасис-оліс —
Эз сетчы вир пытшкө вөйтны.
...Вышкасянь том войтыр
дзоргисны Изьвайыв сайө,
Оз-ө босьт белөйыс кытшө.
Повтөг разведкаө
унаысь ветлісны найө
Подөн, и ю кузя пыжөн.
Кирпичөн кытшалөм «крепостыын»
оз овлы узьөм:
Удж сәні лун и вой пуө.
Гөрд партизанъяслөн нырщикъяс
оз төдны мудзөм...
Враг локтіс на чужан муө.

Белöйяс, ыж сёйысь понъяс моз,
ветлісны маті,
Скөрысла йирисны пиньсö...
Зілісны вуджörtны сиктаныс
сәті и таті —
Корсисны дыр пыранінсö.
Вир кисьтан некымын бой мысти
быд боксянь найö
Пырисны Изьвайыв шөрö...
Кодыр ас другъяскöд казтылан
лоөмсö тайöс —
Сьолөмтö ёсь пуртөн гөрö.

* * *

Пырисны быд боксянь
Латкинөн усьөдөм понъяс,
Сярöбтіс чорыда лыйсьөм.
Тышкасиг мунісны пармаö
збой коми зонъяс,
На бөрся мөдөдчис «кыйсьөм».
Лыйсьөмкөд сорласис
сикт пасьта лёк горшөн сьылөм,
Ёрччөм... да нывъяслөн бөрдөм.
Мамъяслысь горзөмсö
вой төлыс нөбөдө ылө...
Еджыд лым пасьтасис гөрдөн.
Ёртъясөс ягъясысь
өтиөн-өтиөн кыйисны регыд.
Бандалөн звермөм пыр содіс.
Вирөн да свинечөн
йөз вылын тешитчөм мөдіс —
Сикт ылө сьөд войөн водіс.

Изьвалён ювивса юкмөс дор
 гөрдөдiс вирөн.
 Шюгысла сыркъялiс муыс.
 Унаөс ловйөннас тювгисны
 юкмөсөд йирө,
 Шойяссө визув мед нуис.
 Медся яр кодзувсө*,
 вөвлытөм пыткаяс бөрын,
 Швачкөдчан зэв кодзыд войө
 Пасьтөгыс домисны сюръяө
 Изьвайыв шөрын...
 Асывнас лои нин шойөн.
 Бандалён йөз вылын нартитчөм
 кузь төвбыд кыссис.
 (Ставторсө он вермы гижны)
 Изьвайыв сир курыд синваөн
 дугдывтөг мыссис...
 Йөз мышкө нагайка йиджлiс.
 Пармаыс шувгөмнас
 Йөзкөд тшөтш сьөкыда ружтiс.
 Зверь-пөтка тiралiс-полiс.
 Бандаыд эмбурсө войтырлысь
 дзик помөдз куштiс...
 Йөз вылын нартитчис-олiс.

 Миян Гөрд Армия
 мездлун да шуд йөзлы вайис,
 Содiс пыр сылөн том выныс.

* Д. Д. Уляшев — Изьва йывса гөрд партизанъяс-
 лөн сэкса вёськөддысь.

Изьвайыв сикт весьтö Гөрд знамя
пыр кежлö кайис...
Бандаысь Изьвайыв мыніс.

...Дас кык морт!*
Куслытöм кодзувъяс ті,
Ён тышын вöлінныд збойöсь.
Аддзан, ёрт!
Öзйö кыз пармаын би —
Югöрсö му пасьта койö.

1929 во

* Изьвайылын белöйяс зверь сямөн виисны да
ловйөннас шыбитісны юкмёсö 12 коммунистöс да
партизанöс.

МИЯНӨС ВЕЖЫСЬЯС

Тувсовъя дзоридз моз быдмёны найö...
Сьёлёмъяс нимкодьюсь миян:
Гырысьёс вежысьяс петёны тайö —
Дзоляник нывъяс да пьян.

Видзöd, со, мунёны туй кузя стройөн,
Сьылёмыс гораа кылö.
Ставныс зэв нимкодьюсь, мунёны сёөн...
Барабан горалö ылöдз.

Радлунён чужöмыс челядьлөн öзйö,
Галстукныс синьястö ёрö.
Быдöнлөн том кийс бур вöчны көсйö —
Босьтчыны колан удж дорö.

Быдлаын зильёны отсөгтор сетны, —
Регыдджык выль олём дорны,
Көсйёны гырысьёс вежысьён петны:
Талявны паськыдджык ордым.

Быдтамöй, сөвмöдам челядьöс бура,
Сетамöй налы сюсь мывкыд.
Миянөс вежысь сэк тырмымөн сюрас
Сöветскöй странаса ныв-пи.

Тувсовъя дзоридз моз быдмёны найö,
Сьёлёмъяс нимкодьюсь миян:
Гырысьёс вежысьяс петöны тайö —
Дзоляник нывъяс да пиян.

1929 во

СЕМӨ

1

Мөдлапөвсянь ломзыьсь биөн
Петө тувсов шонді.
Аслас югөръясөн сійө
Зарниасьны пондіс.
Асья лун төв лөньсө дзугө,
Көнкө петук сьылө.
Повтөг пырис шонді югөр
Семө вольпась вылө.
— Зарни шонді, ло тэ гөстьөн,—
Вөльнөй мусянь чолөм!
Муас мөрччөд асьыд пөсьтө...
Гөрны-көдзны колө.
Талун нимкодь Семө дядьлы,
Нимкодь, долыд, гажа;
Весиг керка пытшкыс радлө,
Кыз эз радыв важөн.
Шонді гөгыль вывлань катө
Вөр туганъяс пөлөн...
Гөрны сувтам радысь радө
Кызь көкъямыс вөлөн.
Көйдыс бур... Ми дасьөсь көдзны:
Гөр-агасъяс дзоньөсь...
Уджлөн юргөм кутас сөдзны

Паськыд муяс вомён.
Татшөм мөвпөн Семө чеччис
Шонді петан кадө...
...Талун асыв гөрны лэччас
Семөлөн бригада.

2

Шонді петөм зэв унаысь төдліс,
Мыркис Семө шудтөм сьёкыд удж.
Овліс гөля —
Уджйөз пиө пөдліс...
Йөртөдьясыс нэмсө вөлі куш.
Быдся думыс Семө юрө волө:
«Көйдыс абу...
Гөрийөй дзик нин шуй...
Вөлөй тшыг,
А көдзны меным колө...
Код нө индас пикысь петан туй?»
Өврам ордө Семө вөлі мунас:
— Вайлы, мездыв...
Пикысь менө мезд...
— Мезда...
Сөмын сәки жө оз вунөд
Семө горшө чөвтны петля-гез.
Сьёкыд думөн асывьясын чеччө.
Шонді вөрсө...
Семө букыш, скөр.
Лячман сайө гөрны сийө лэччө,—
Эжмөм муас бергавны он төр.

Семö тошкын ворсö
 Шондi югөр.
 Көнкө петук горзö —
 Лөнъсö дзугö.
 Тулыс горөн сьылö
 Асья гажыс.
 Семöлы дум вылö
 Уси важыс.
 Син водзöд воськовтiс со —
 Бордья дас öкмысöд во...
 ...Вөр пöвсттi муно отряд,—
 Вой мулөн гөрд кавалерия.
 Медводзын Хаджи Мурат*
 Вöлыскöд сёрнитö мелiа.
 Шемöс ланьтöмась багатыр-пожёмьяс,
 Войвыв пармаыс букуша лөнъ:
 Сиктыс ру пытшкö тырвыйö вошöма,
 Муртса тыдыштö Вагалөн вөнъ.

 Помнитö лыйсьöм,
 Сикт шöрын бой...
 Бандалысь пышйöм,
 Ранитчöм сой...

Сьökыд думөн асывьясын чеччö.
 Шондi ворсö...
 Семö букуш, скөр.

* Хаджи Мурат командуйтлiс Войвыв фронт вылын гөрд кавалерийскöй отрядөн.

Лячман сайё гөрны сійё лэччө,—
Эжмөм муас бергавны он төр.
Сімөм амысь чорыд муё сатшкө.

— Но жө, Карко!.. Швачкө мышкас
ньөр.

Вёлыс пессьё...

Сьёкыда зэв кашкө —

Муртса кыскө пөльлысь сьёкыд гөр.
Лун шөр шондi нем жалиттөг сотө.
Вёлыс сувтис...

Водзё оз нин мун.

Ньөр оз отсав,

Карко сьлөн водис...

Семё синмын пемдiс югыд лун.

— Э-эк! — сьёд синваён бөрддзис.

Эз кыв сійё орчча уджлысь шум.

Сэки мудзла кольмөм юрын вөрзис

Дзонь во чөж нин бергалысь выль дум.

Кодкө пуктис пельпом вылас кисө.

Семё здрөгмуні, но кыв эз шу.

— Чеччыв, видзөд,—

Шуис Назар Мишө,—

Көні тэнад олөмыдлөн шуд?..

Семё чеччис...

Видзөдліс му вылас:

Вёлыс ружтө...

Пөрөма пу гөр...

Орччөн гажа горөдлывлөм кыло...

Комын вөлөн гөрөны му йөр.

Семё пыксис.

Кыв вежны эз көсйы,

Көть и дыр нин пөдтіс гуся мөвп.
Талун ачыс сійө мөвпсө вөзйис...
Дзикөдз вундіс важкөд йитан көв.

Сэки Семө лэптіс веськыд кисө
(Чужөм пасыта ворсө кыпыд нюм)...

Паськыд эрдын кыліс:

— Назар Мишө!

Менам муөд, другө,

Тшөтш жө мун.

5

Сьөкыд мөвпөн оз нин чеччы

Семө асья кадө..

Лячман сайө гөрны лэччө

Семөлөн бригада.

Асья шонді енэж шөрын

Югөръяснас йөктө.

Воом тулыс өдйө вөрны

Көдзысьясөс тшөктө.

Лячман сайын помысь-помө

Юргө уджлөн сьылөм...

Ылі помын...— Видзөд, тонө!—

Трактор мургөм кылө.

Шонді югөр вывлань катө

Вөр туганъяс пөлөн...

Гөрө Семөлөн бригада

Кызь көкъямыс вөлөн.

МИРОН ПЕТЫР

Еджыд паськөма сулалө вөр.
Сәні уджлөн гор укйөдлө, кылө.
Төвся көдзыдыс швачкөдчө, скөр —
Тайө көдзыдас горалө сьылөм.

Ягын куйлө нин уна сө кер...
Пила троньгөм шы сынөдті уйө.
Клөнгө дугдывтөг ёсь лэчид чер,
Дорвыв пөрөны багатыр-пуяс.

Асья енэжыс пьдөстөм, лөз,
Кельдөм төлысь сән нюмьялө гусьөн.
Зіля вөрөны лым пытшкын йөз...
Налөн уджыс геройствоөн шусьө.

Чуим ю бокын оз овлы чөв.
Быд лун содөны уджалан өдьяс.
Юлань лэччөны уна дас вөв —
Найө кыскөны гырысь кер додьяс.

...Пөчө мойд кодь жө рытыс — зэв кузь.
Төлыс өшиньө серпасьяс кыө...
Мирон Петыр оз вуграв, оз узь —
Сөрөдз пукалө книгаөн киас.

Аддзё книгаысь сійö вель мир,
Сэтысь гусятор зэв уна воссё...
Сійö тан коммунист-бригадир —
Петіс другьяскöд вөр вöсна косьö.

Петр Миронычöс код нö оз тöд:
Дас квайт во сійö уджалö вöрын.
Сылөн ошйысьöм öз овлы рöд,
Кöть и некор на эз вöвлы бöрын.

Збой бригадасö сылысь он су...
Вöрын ярджыка öзйöны бияс.
Медым зарниö пöртны быд пу —
Ассьыс тöдöмлун кыпöдö сійö.

Керка стенъясö шарöдчö лым...
Петыр вежöрын уна мөвп чужö:
«Удждад этша на мортлөн куш вын —
Колö сы дінö зэв ыджыд кужöм».

Бура тöдмасьтөг тайöс он сидз,
Татөг он öддзöд вель олём тэчём...
Сылы Партия сетіс туй визь
Паськыд вөр-ягын лоны боецöн.

Мед жö сы кийн талун лучок,
Мед жö керьяссö кыскöны вөлөн...
Аски юрöбтас вöрын мотор,
Трактор зыркöдны мөдас ю пөлөн.

Аддзё книгаысь сійö виль мир,
Сэтысь гусятор зэв уна вощьö...
Сійö тан коммунист-бригадир —
Петис другъяскöд вөр вöсна косьö.

1933 во

КОМИ ПАРТИЗАНЪЯСЛӨН СЫЛАНКЫВ

Парма вөрті, джуджыд ягөд
Муніс гөрдъяслөн отряд,
Медым косьын чегны врагөс,
Медым юргис мездмөм яг.

Вөрын лыйсьөм йиркис, шковгис.
Гөгөр лайкъяліс съөд тшын.
Вылын алөй знамя шпоргис —
Бойө нуөдысь сталь вын.

Дыр на кутас төдны вөрыс
Партизанъяслысь збой тыш:
Кыдзи босьтлім Аныб нөрыс,
Кыдзи пасыйим враглысь кытш.

Войвыв Двина бура төдліс,
Кыдзи нөйтлім врагөс тан.
Белөй море сайө вөтлім
Интервентъяслысь десант.

Миян вель мир доран уджын
Некор вынйөрным оз быр.
Враг кө суйсяс, сэки кужам
Сійөс жугөдны дзык пыр.

НЁБДИНСА ВИТТОРЛЫ

(Вочакыв)

Ыджыд жö мог тэ пуктін меным —

Гижны воча кыв:

Юрын жувгö, синмын пемыд —

Бöрд кöть сыв.

«— Выль Паш

Таргö,

Каргö,

Гыпкö,

Зыпкö...

— Выль Паш

Карр!

Тарр!

Зарр!

Варр!..

Сідзи сійö гижис:

Лыддян —

Юрыд пыктö,

Кыз воздушной шар».

И нöшта:

Выль Паш лирика пö воштис,

Сылön тижöдьясыс руд;

Поэзиятö гөптöс моз жö косьтис,

Да строчка пыдди артмö чут:

«Сюр —

сяр.
Шур —
 шар», —
Тадз
 пö
 нач.
...И тайö, Виттор, збыль öд —
 Соссъыны ог кут,
Сöмын таысь ылöдз
 Некод на эз сувт.
Мыжаöсь ми быдөн, —
 Тайöс төдан тэ,
Эг на пырöй пыдö,
 Сямным эз на шед.
Велöдчыны көсьям —
 Сы кежысь на век.
Кокныдика лөсьям —
 Зыртап пуклөс-джек.
Кос оратория,
 Гымалан кыв.
Мыжъясным шöрия —
 Бöрд көть сыв.
...Сидзкө, öтвылысь петам —
 Ордйысьöм панам;
Татшöм көсийысьöм сетам,
 Но выль чужöмбанөн:
Мед юргас
 Драматургия!
Мед йиркас
 Лирика!

ГАЖӨН ЫПЪЯЛӨ ЗАРНИА ЛУН

I

Лөнь Сыктыв весьтын кыпөдчө
Водз асья еджыд ру.
Му нөрыс йылын кышөдчө
Кузь шепта мича сю.

Пух-гөн моз мусө небзьөдiм,
Кор көдзим сэтчө нянь.
Став йөзсө сиктын шензьөдiс
Колхозница — том ань.

Рытсөрөдз, весиг войясын,
Эз лөньлы йөрын сутш:
Колхозница-геройяс сэн
Сiдз нуөдiсны удж.

И шуныгө паськыд сьөртасөд
Лөнь Сыктыв, эзысь ю...
А муяс вылын копрасьө
Кузь шепта джуджыд сю.

Ми муяс вылө петамөй,
Кор шондi мыччас бан...
Пось ордийсьөмлы сетамөй
И зильлун, и бур сям.

Сән уджлөн горыс кылө нин
Выль кадыс кодь жө том...
Му эрдъяс вылын сьылөмлы
Сёр рытөдз оз во пом.

А муяс миян паськыдөсь —
Оз тыдав пом ни дор;
А муяс миян шыльыдөсь —
Сән абу өти бор.

Лөнъ Сыктыв весьтын кыпөдчө
Водз асья еджыд ру.
Му нөрыс йылын кышөдчө
Кузь шепта мича сю.

2

Небыд лун төлыс окалө менө.
Паськыд море моз лайкъялө эрд...
Сюлысь кышөдчөм таргөм шы венө,
Ме машинаөс новлөдла сэт.

Сюыс кольтаөн-кольтаөн водө.
Колхоз му вылын бырөма чөв.
Выль машинаөн удж менам содө,
Бура ветлөны том пара вөв.

Кольта көртлыны локтисны аньяс,
Тшөтш и Сашукөй нюмъялө сән...
— Нолтө, босьтчылам, код-кодөс паньяс,
Петам ордйысьны, кыпөдлам вен.

И машиналөн таргөмыс өддзө.
Гажөн ыпьялө зарниа лун.

Быдөн бурджыка уджавны көсйө,
Некод медбөрын тани оз мун.

Шлывгы, вераліг, лөнь Сыктыв юйй,
Тэнад ва пытшкөс синва кодь сөдз.
Радлы, нимкодясь, өтувья муйй,
Тэнад морөсүд том уджөн пөсь.

Тэнад эрд вылын юралө сьылөм,
Воча чуксасьө Сыктыв ю сай...
Тайө уджас и сьылөмас кылө,
Кыдзи восьлалө выль урожай.

Шонді рытланьө нөрөвтчис, вуджис,
Регыд эштөдам медбөрья рад.
Эк, и кыпыд жө выль йөзлөн уджыс,
Эк, и гажа жө томмөдөм кад.

Небыд лун төлыс окалө менө.
Паськыд море моз лайкьялө эрд...
Сюлысь кышөдчөм таргөм шы венө,
Ме машинаөс новлөдла сэт.

3

Сыктыв юйй, эзысь юйй,
Гажа тэнад кыркөтш дор.
Паськыд сьөртөд ылөдз нуө
Гожся рытын сьылан гор.

Вундөм бөрын тарыт петам
Сыктыв дорө ныв и зон.

Рытсö дзоньнас гажлы сетам...
Том кад дырйи оз лок он.

Гудöк шыöй кылас ылöдз,
Нимкодясяс уна ныв.
Сыктыв кузя юргас мыла
Налөн кыпыд сыланкыв.

Тайö сьылөм — уджлөн гажыс,—
Мед жö увкъяс Сыктыв сай...
Вына сылан горкөд радысь
Локтö ыджыд урожай.

Кыркötш дорын муно ворсөм —
Ок, и лөсьыд жö нин тан...
Сашук пуксис мекөд орччөн,
Сылөн öзйö чужөмбан.

Уджын Сашук пыр медводзын,
Тшötш и гажөдчигөн шань...
Зiля уджалөмысь козин —
Сылы воö уна нянь.

Гора гудöк мыла ворсö.
Кыа кусi. Пуксьö вой.
Сьылигтырйи мунам гортö...
Сашук кутö менсьым сой.

Сыктыв юöй, эзысь юöй,
Гажа тэнад кыркötш дор.
Паськыд сьортөд ылöдз нуö
Гожся рытын сылан гор.

МАМЛӨН ШУД

Сөстөм енэжын кодзулыс уна,
Сотө чужөмтө лэчыд вой төв.
Доддын вөлөкті ёрткөд ми мунам.
Зіля котөртө томиник вөв.

Ылі вөр сайсянь гөрд кыа петө.
Муртса төдчыштө төлысьлөн бан.
Вөлөн веськөдлө олома тьөтө —
Могөн Визинө мөдөдчөм ань.

Пожөм вөр весьтын енэжыс кыпид.
Кывзам ланьтөмөн тьөтөос ми:
Сійс висьтавлө, кыздикөн быдтис
Дөва оломөн ассьыс кык пи.

— Гөля колльөді ассьым ме нәмөс,
Вөлі оломөй сьөкыд и руд...
Сьөд удж мырклі, кыз кыв шутөм пемөс,
Но эг төдлы ме некутшөм шуд.

Дзоля челядьөн верөсөй колис,
Проклят царь сылысь дженьдөдіс нэм.
Дас көкъямыс во дөваөн олі,—
Ок и сюрліс жө быдторйыс мем...

Өні бордъяӧсь лоины пиян —
Ен пельпомъяса кык багатыр.
Олан туйным — колхоз лои миян,—
Таысь сьӧлӧмӧй нимкодӧн тыр.

Томджык пи менам уджалӧ вӧрын:
Регыд вӧчас нин сюрс кубометр.
Да и ачым ме абу на бӧрын,
Некор шудлунӧй өні оз берд.

Мӧсьяс лысьтӧмын ордысьны петі,
Бӧрӧ кольччӧм мед уджын эз вӧв:
Ыджыд кӧсийсьӧм таво ме сеті —
Кӧсья кык мында лысьтыны йӧв.

...Гожся шондыс пӧсь югӧр койис...
Сійӧ ӧзйӧдіс кӧсийӧм и сям.
Колхоз му вылысь нянь таво воис
Трудодень вылӧ вит килограмм.

Ме кӧть пӧрысь, но зумыдӧсь кияс,
Быдтор сӧстӧма вӧча, ог дзуг.
Таво уджалім честнӧя, зіля:
Кыклы нянь воис сӧ комын пуд.

Татшӧм олӧмсӧ эг аддзыв вӧтӧн,
Татшӧм нимкодъыс некор эз вӧв.
Ачым вежси ме — лои дзик мӧдӧн...
Рыгтя школаӧ ветла мӧд тӧв.

Арнас Васюкӧй муніс Гӧрд флотӧ,—
Видзӧ миянлысь ӧтувья удж.

Таысь нимкодъёй морёсын содö...
Тöда — врагыд граница оз вудж.

Öтув уджалöм кыпыд и гажа,
Юртö öшöдны öнi оз туй...
Тöда: некод оз бергöд нин важас,—
Ленин партия индiс кө туй!

1934 во

РЕГЫД, РЕГЫД МИ АДДЗЫСЯМ ТЭКӨД

Регыд, регыд ми аддзысям тэкөд,
Выльысь кыпөдлам збой сьыланкыв.
Гажа кыр йылын йөктыштам сэки,
Зарни кудриа том мича ныв.

* * *

Асья кыаыс муртса на öзйö...
Рейдын сулалö миян корабль,
Регыд вахтаö сувтны ме кöсья,
Öнi гижны тэд юкыштi кад.

Талун ыджыд походö ми мöдам,
Выльысь поткöдам морельысь эрд.
Сюся велөдчам,— ачыд тэ төдан,—
Видзны сюся границаяс мед.

Кельыд төлысьыс енэжөд уйö,
Кыптысь кыакөд нуөдö вен.
Тэнад письмөйд, пета кор туйö,—
Радлун ыджыдöс сетö пыр мем.

Меным кык пөлос долыдлун лои:
Льйсян башняын ме командир...
Да и тэнад, со, юöрыд воис —
Öнi вöрын тэ том бригадир.

Тәнсьыд уджтө ме сьөлөмөн кыла,
Кыдзи пөрласьө уна сюрс пу.
Шойччан рытъясө ёртъяслы сьывла,
Кыдзи кыпалө войвывса му.

Уджав, гажөдчы, восьлав пыр водзө,
Пөся радейтны велөдчы тадз:
Медым, ковмас кө, дась вөлін косьө,
Кыдзи башняйö менам пыр дась.

* * *

Регыд, регыд ми аддзысям тэкөд,
Выльысь кыпөдлам эбой сьыланкыв.
Гажа кыр йылын йөктыштам мекөд,
Зарни кудриа том мича ныв.

1935 во

ЭЖВА КУЗЯ КЫВТИГӨН

Эжва юлөн морёсыс
Ворсө сикөтш молльөн...
Сыктивкарлөн нёрысыс
Кывтысь пуръяс кольё.

Карыс быд во кыпалё
Уна керка радён;
Зильысь йёзён гыбалё,
Ловзьё выльмём кадён.

Кыпыд горъяс кылёны
Юöd кывтысь керъяс...
Киров паркын сьылёны
Карса пионеръяс.

— Бөр локтигөн сувтламөй,—
Карас сэки каям...
Өні водзлань кывтамөй —
Котласөдз пур ваям.

Эжва юлөн морёсыс
Ворсө сикөтш молльөн...
Сыктивкарлөн нёрысыс
Кывтысь пуръяс кольё.

ПӨРЫСЬ НИА УЛЫН

Аддзан, ягас вөрүс мыйтөм,
Пуяс кутшөм кузьөсь...
Пөрысь ниа улын мыльк эм —
Партизан сән узьө.

Коркө пөльтлісны скөр төвьяс
Паськыд Войму весьтын.
Милльон лыда биа ньөвьяс
Пармаө ми пестім.

Банда бөрысь турөб войө
Ветлімө отрядөн.
Тайө ягсө босьтлім бойөн
Төвся вой шөр кадө.

Вөрын трачкөдчисны бияс,
Поткөдлісны войсө.
Сөмын нөрысьйывса ниа
Төдліс тайө бойсө.

Югдан дорө лөнис вөрын,
Куйлісны морт шойяс...
Ниа сулаліс яг шөрын,
Шензис уна вояс.

Тайо тышас врагос венім,—
Көні уси вокөй...
Сійо шуис:— Дзебөй менө
Пөрысь ниа бокө.

Ниа улын кусі олөм
Повтөм гөрд боецлөн...
Залпөн пасйим бөръя чолөм,
Дзевим ыджыд честьөн.

Аддзан, ягас вөрыс мыйтөм,
Пуяс кутшөм кузьбөсь...
Пөрысь ниа улын мыльк эм —
Вокөй сәні узьбө.

Славнөй косьын кулі сійө,
Выль нәм перъян косьын.
Мед странаным миллион биөн
Өзйис миян водзын.

Дас квайт во нин ниа шувгө,
Воклысь унсө видзө.
Орччөн ягыс мыла увгө,—
Уна йөзөн гызьбө.

Ме тан йирка уклад вөлөн:
Керьяс кыска уна.
Ниабердса лөнь мыльк пөлөн
Муралігтыр муна.

Вокөй, лөня куйлы гуын,
Тәнсьыд уджтө вөчам.

Помтөм дзоридз вольной муын,
Совет муын кодзам.

Аддзан, ягас вöрыс мыйтөм,
Пуяс кутшөм кузьбсь...
Пöрысь ниа улын мыльк эм —
Партизан сэн узьб.

1936 во

ГОРНЯКЛӨН НЫВ

Горняклөн ныв — Кончита Мало
Мадридö локтис, кызд боец...
Том нывлы кывбур менам талун,
И сылы медся ыджыд честь.

...Сөдз енэж шöрын жургём кылö,
Сьöd чутөн кыптö самолёт:
Тадз повтөг лэбö врагъяс тылö
Горняклөн нылыс — том пилот.

И сылы мөвпас талун воис,
Кызд мамсö сотис звермём враг,
Кызд батысö свинеч шерөн койис
Вир юысь Франколөн отряд.

— Став вирсьяс, кодös кисьтид, гадъяс,
Дас сюрс пöv мынтысянныд тi...
И Мало личкыштіс рычагъяс,—
Сэк улын ыпнитіс яр би.

Из муын укйöдлöны взрывъяс...
Кончита, ньöv моз, ветлö сэн.
Тадз выль Испаниялөн нывъяс
Фашизмкөд нуөдöны вен.

Горняклөн ныв — Кончита Мало
Мадридö локтис, кызд боец...
И тайö лунсянь сылы мамөн,
Ас мамөн лои Долорес.

1936 во

КЫВТ ЖӨ, ВӨРӨЙ!..

Сиа Палаузса передөвөй вөр
лэдзысь Антон Васильевич Кар-
мановлы

Мыйта мичыс паськыд валөн!
Керъяс кывтöны сэт уна...
Менö корисны Москваö,—
Талун слёт вылö ме муна.

Кывт жö, вөрөй,
Эжва шөрөд —
Кывт жö, зарни вөрөй!

Тöвнас көч ку пася ягын
Вөрын быдмысь муса нывкөд
Керъяс вольсалім сө радөн,
Коді юөд öнi кывтö.

Кывт жö, вөрөй,
Эжва шөрөд —
Кывт жö, зарни вөрөй!

Шуда олөм öтув перьям.
Мед жö дзоридзалас сийö...
Гырысь, мича вольөм керъяс
Повтөг босьтывлі ме киö.

Кывт жö, вөрөй,
Эжва шөрөд —
Кывт жö, зарни вөрөй!

Кутлі морös бердын пуяс,
Кыдзи радейтана нылös.
Менам вöчöм керйöй туяс
Ас страналы быдтор вылö.
Кывт жö, вөрöй,
Эжва шөрöd —
Кывт жö, зарни вөрöй!

Прöстöй йöз пытшкысь ме петі,
Уджлы öзьян сьölöм вайи.
Мед народлы сямлун сетны,
Томön пөрöдчыны кайи.
Кывт жö, вөрöй,
Эжва шөрöd —
Кывт жö, зарни вөрöй!

Мыйта мичыс паськыд валön,
Коді гырысь пурьяс нуö...
Мыйта нимкодьлуныс талун
Менам сьölöм пытшкын пуö.
Кывт жö, вөрöй,
Эжва шөрöd —
Кывт жö, зарни вөрöй!

Менам вежösьясын шонді
Кутіс гажаджыка ворсны,
Водзö быдман туйös понді
Ленин книгаясысь корсьны.
Кывт жö, вөрöй,
Эжва шөрöd —
Кывт жö, зарни вөрöй!

Кодыр гордöй самолётон
Ас страна весьтö ме кая,
Кыдзи выныс сьлөн содö —
Нимкодь юөр гортö вая.
Кывт жö, вөрöй,
Эжва шөрöd —
Кывт жö, зарни вөрöй!

Каръяс весьттi, сиктьяс вомөн,
Парма-вөръяс, степьяс вывтi,—
Рöдина весьт дорьсь-помö
Лозов енэжöd ме кывта.
Кывт жö, вөрöй,
Эжва шөрöd —
Кывт жö, зарни вөрöй!

Самолётным туйсö вежö:
Улын — мича керка радьяс.
Помтöм дзоридз мусö эжö,
Гөгөр цвeтитöны садьяс.
Кывт жö, вөрöй,
Эжва шөрöd —
Кывт жö, зарни вөрöй!

Кыпыд паськалö син водзын
Ыджыд вöльнöй Совет муöй...
Сылы Эжва мисянь козин
Мича керъяс шуныгö-нуö.
Кывт жö, вөрöй,
Эжва шөрöd —
Кывт жö, зарни вөрöй!

Том странаын юргö сьылöм:
Войвыв полюс дорöдз лэбö,
Эльбрус весьтын гора кылö,
Дзор Монголияödз петö.

Кывт жö, вөрöй,
Эжва шөрöd —
Кывт жö, зарни вөрöй!

Мыйта мичыс паськыд валөн!
Керъяс кывтöны сэт уна...
Менö корисны Москваö —
Талун слёт вылö ме муна.

Кывт жö, вөрöй,
Эжва шөрöd —
Кывт жö, зарни вөрöй!

1936 во

РОЧ НЫВ

Юкмөс дорсянь векни трөпа-туйөд
Роч ныв нуис сьөкыд ведра гоз...
Матыстчи да меліа ме шуи:
— Юыштны мем ватө оз-ө позь?

Синкым увсянь чөвтлис лөзов синъяс,
Видзөдласнас сотіс, кызди би.
Югнитісны лым кодь еджыд пиньяс...
Нюмъялігтыр нюжөдіс мем ки.

Көдзыд ва ме юи ведра помысь,
Нывлысь кудри дзугис небыд төв.
Сулалім сэн, кыкнанным ми томось,
Өта-мөдкөд нимкодясим чөв.

Юөм бөрын нывлы киөс сеті,
Шуи сылы медся шоныд кыв...
Война туйө коллис менө сэки
Юкмөс дорсянь лунвывса роч ныв.

Автомат ме пельпом сайө чөвті...
Муни, медым дорйыны ас му.
Дыр на сійө кинас меным өвтіс,
Врагкөд тышын сиис ыджыд шуд.

Та бõрын ме уна туйõд мунли:
Тышкаси и сьывли сьыланкыв...
Грозной кадõ некодыр эз вунлы
Ас рõднõй странаысь тõдтõм ныв.

1943 во

КОМИ УДАЛ ЗОН

Гажа тувсов рытъясын
Льом сад улын рытйысьліс,
Съывлывліс да йөктывліс —
Гажлы эз вөв пом...
Муса нывкөд коллысьліс,
Топыда зэв окасьліс
Льом сад улын тулысын
Коми удал зон.

Гудөкасис лөсьыда,
Сыліс мыла, лэчыда,
Юргис ылөдз кыпыда
Гөлөс сьлөн том...
Коли тувсов рытъясын
Льом сад улын рытйысьмөм:
Муніс врагкөд тышкасьны
Коми удал зон.

Повтөг сійө косясис,
Звермөм враглы водзсасис,
Збой геройөн бойясө
Ветліс вына-ён...
Оти бойын сувтөдіс,
Куим танкөс жугөдіс

Биа-сталь гранатаён
Коми удал зон.

Кыптис сылөн славаыс,
Став фронт пасьта паськаліс,
Коми муөдз юрөбтис,
Кыдзи зарни звөн...
Таысь муса Рөдина
Наградитис орденён,
Лои том геройён сэк
Коми удал зон.

Тыр победа перйыны
Тышён муніс Берлинөдз,
Бойын перйөм славалы
Некор оз во пом...
Регыд тувсов рытьясын
Выльысь нывкөд рытйысьны
Петас хромка гудөкөн
Коми удал зон.

1945 во

РУД ШЫНЕЛЯ МОРТ

„Ефрейтор А. Е. Тимушев öти бойын противотанковöй граната-ясөн сотіс да жугöдіс нель немецкöй танк“.

„Фронтвая правда“ газетысь.

Асья кыа пöртмасьöмөн ворсö,
Коли бара фронтвывса сьöд вой.
Кöнкö кылö петукъяслөн горзöм.
Быттьö тані некор эз вöв бой.

Мед жö петук асыыводзын сьылö,
Война пыр на ыджыдалö тан.
Кöнкö матын другысь эргöм кыліс:
Вөр ді сайсянь петіс сизим танк.

Зяльскигтырйи уськөдчисны водзö.
Эрдсö тыртіс лыйсьöмлөн ёсь гор.
Налы паныд повтöг петіс косьö
Вöльной муысь руд шынеля морт.

Танкъяс водзын укйöдлöны взрывъяс.
Руд шынеля воин öтнас сән
Йöз шуд вöсна багатырскöй вынөн
Сизим танккөд нуöдö збой вен.

Код нө тайо руд шынеля мортыс
Сизим зверкөд отнас нуо тыш?
Көні сылөн чужаниныс-гортыс?—
Кыссысь мортлысь аддзам сомын мыш.

Сийо сувтис. Кыпөдис граната:
Танкьяс водзын укнитис ён вэрыв.
Смертьысь повтөг сувтис сийо татон:
«Ог лэдз водзө!»—сетис клятва-кыв.

Нельөд танк нин сотчө нөрыс йылын.
Морт друг уси, эз шу өти кыв.
Тайо кадас орчөн быттьө кылис
Рөдиналөн вына сыланкыв.

Код нө тайо руд шынеля мортыс
Сотчысь танкьяс пөвстын куйлө чөв?
Көні сылөн чужаниныс-гортыс?—
Юалөмлы воча кыв эз вөв.

* * *

Дзоляник гөрд книжка ставсө восьтис:
Быдөн төдис, коді тайо эм...
Санитар сэк ордас сийөс босьтис,
Сизим танккөд нуис коді вен.

Тимушевөн шуоны геройос,
Коми муын сылөн чужанин.
Яр кодзув моз өзйис тайо бояс
Руд шынеля мортлөн кувтөм ним.

МАМЛӨН МӨВПЪЯС

Шорйыв грездысь сиктлань
Вөскресеньö лунö,
Шоньид роч ной пася,
Вөлөн пöчö мунö.

Нигөн вурун шальсö
Төвся кöдзыд гыör
Көрöб-доддын пöчлысь
Узоръясөн кыö.

Сиктса клубö тайö
Матрен тьötка воö,
Талун ыджыд праздник
Сэни налөн лоö.

Тöлыс лым бус вöтлö,
Нöбöдö кын муöd...
Аслас юрын пöчö
Уна мөвпъяс нуö.

Мөвпъяс сылөн сöдзöсь,
Кызди вöрын ёльяс,
Квайтымын вит восö
Весьшөрö эз коляв.

Мөвпыс сійөс вайис
Важся курыд кадө,
Кодыр кулис верөс
Пөрөдчигөн ягө.

Кызди вердiс-быдтiс
Дзоля куим пиөс...
Озырьяслы мырклис
Төв и гожөм сійө.

Ылө, ылө коли
Шуштөм-пемыд пөра.
Дзикөдз уси-пөри
Мортөс личкысь гөра.

Йөзлөн шудыс — Ленин
Парма шөрө воис,
Матрен тьөтлөн олөм
Долыджыкөн лои.

Тайө кадсянь пөчө
Морт моз овны пондiс,
Быттьө керка пытшкас
Ломзис сизим шондi.

Мамлөн майбыр олөм
Озырмис и сійөн:
Вына багатырьяс
Быдмисны том пиян.

Медся ыджыд писө
Белөйяскөд бойын

Лыйлісны пон чукөр
Төвся кӱдзыд войын.

Шӱркодъыс — Микайлӱ —
Гортсъыс муніс томӱн:
Велӱдчис Москваын —
Петіс агрономӱн.

Коймӱд пиыс арнас
Берлин карысь воис...
Сӱні бойяс дырйи
Збой геройӱн лои.

Ачыс «Май» колхозын
ӱні бригадирӱн,
Пуктылісны сӱтчӱ
Став колхознӱй мирӱн.

Сьӱлӱм весьтас сьлӱн
Бур уджысь медаль ӱм:
Пӱчлысь сьама уджсӱ
Донъялісны тайӱн.

Мыйла сійӱ талун
Мунӱ сиктса клубас,
Бӱрйисигӱн гӱлӱс
Кодлы сетны кутас?

Гӱлӱс сетас сылы,
Коді вайис шонді,—
Кысянь Матрен тьӱтка
Морт моз овны пондіс.

Сиктса клубō өні
Матрен тьотка воо,
Талун ыджыд праздник
Сәни налөн лоо.

1946 во

ЗОНЛЫ ТӨДСА ЭЖВА ШӨР

Керйысь-керйö паськалö
Эжвалөн лöz от...
Асья лөнсьö шызьöдиг,
Кывтö теплоход.

Садьмысь шондi разöдiс
Ва веркöслысь ру,
Аслас мелi югөрөн
Малыштiс кузь пур.

Мостик вылö видзöдлiс —
Сулалö сэн зон:
Теплоходөн веськöдлö,
Кудриа и том.

Войвыв паськыд Эжваным
Тöдö зонлысь сям:
Визув вынкöд вежлысьны
Кужö капитан.

Зонлы, кыз ас улича,
Тöдса Эжва шөр...
Аслас мам-Отчизналы
Нүö зарни вөр.

1947 во

МАША — БРИГАДИР

Вöрын долыд асъя кадö,
Ворсö пила, троньгö чер.
Маша петіс пожöм ягö,
Петіс ягö вöчны кер.

Сыкöд орччөн — варов нывъяс,
Налөн öзйö чужöмбан...
Кыпыд уджлөн сыланкывйыс
Асывводзянь кылö тан.

Маша сувтіс пожöм дорö,
Лэдзис пилалысь мотор...
Сывъя пожöм гым шы горөн
Лэбис муö лым бус сор.

Тайö пила — абу пила:
Веськыд чудо, биа чард...
Сійö сяргö, выль ног сылö,
Дзоньнас юргö паськыд яг.

Гольгö-водö керйыс помтöм,
Свякйö-резö пильной пызь...
Нывлысь сьөлöм уджыс шонтö,
Содтö сямлун, содтö мич.

Кыптö тöлысь рыгтя кадö,
Муртса шувгö джуджыд вөр.
Векни ордым кузя ягысь
Том бригада мунö бөр.

1948 во

КОЛХОЗНӨЙ ШОНДИ

Рытъя енэж, кыдзи море, кельыдлөз.
Кыркөтш дорө уна чукөртчисны йөз.
Мыйкө выльтор сәни панөмаөсь, дерт,
Весиг беддясигтыр локтис Мирон дед.
Локтис Вера — «Май» колхозысь бригадир,
Гөгрөс чужөм вылас ворсө алөй вир;
Локтис Марья — знатнөй скөтница-герой,
Сыкөд орчөн — зоотехник — сылөн чой:
Став семьяён воис конюк Петыр дядь,
«Шонди» өзтысь инженерлөн пөрысь бать...
Рытъя енэж, кыдзи море, кельыдлөз.
Биджыд стрөйба дорө локтис уна йөз.

— Мыйся дивө тайө пыкө джуджыд кыр?—
Кияс увти Мирон дедө дзоргө дыр.
— Югыд билөн вына станцияыс тан,—
Мирон дедлы вочавидзө Петрован.—
Тайө шонди, тайө ленинскөй яр би!..
Сийөс өзтас талун менам шөркост пи...
Лок жө мунам стрөйба дорас, Мирон дед,
Огө сөрмөй шонди өзтиг кежлас мед.

Кыркөтш дорын уна флагъяс, гажа шум.
Чужөм вылас став колхозникъяслөн нюм.
Кильчө вывсянь председатель ләптис ки,—

Кыдз сё шонді сәки сьвкнитіс сё би.
Кыдзи лунын, югдіс дзоньон рытъя сикт...
Кодкө шуис: «Ыджыд карын кодь жө дзик!»

Юргө-гыалө йөз нимкодьон ю дор,
Паськыд эрдті лэбө музыкалөн гор.

Рыгнас сёрөн сөмын лөнис кыркөтш берд,
Дыр на, дыр на сәні шензис Мирон дед:
— Эг на кывлы, эг на аддзывлы ме нэм,
Сюръя йывсянь медым шонді ломзис мем.

1949 во

ЗАЛОМ ВЫЛЫН

Полойö топöдём ыджыд залом
Нюжөдчис дас пөвста радөн...
Берегті восьлалө майкаа зон,
Бөрсяньыс — сылөн бригада.

Кианыс багыръяс, кыдзи ёсь штык,
Быгтьөкө мунёны бойö...
Вөр сайсянь мыччысьысь шонділөн кытш
На вылө югөрсө койö.

Запаньсянь юрөбтіс асья гудок,
Паськаліс ю кузя ылөдз.
Дружбаөн көртасьём сизим том морт
Сувтісны кер залом вылө.

Багыръяс сатшкисны:— Вөрзьөдам тат!
Со, коді кутö заломсö...
Мөдісны нетшкыны рад бөрся рад,
Вөр кутіс лэччыны помся.

Лун шөрын кер вылын шойччисны сутш,
И вильысь нин зільöны водзö...
Дружнөй бригадалөн шензьөдан удж
Вуджис тан кад вөсна косьö.

1949 во

ТӨЛЫСА ВОЙЫН

Кывтö тöлысь сöстöм енэж шөрöд
Пөрöдчöмлөн шумыс оз нин кыв.
Төвся войын трасса кузя вөрöд
Хлыстьяс кыскö тракторөн том ныв.

Гырысь пуяс кыссьöны туй южöд.
Ылöдз швачкö фараяслөн би...
Трактористка вунöдöма мудзöм,
Зумыдджыка рульсö кутö ки.

Нывлөн юрас мөвпъясыс пыр сöдзöсь,
Чужöм вылас öзъялана нюм...
Содтöд рейс кö смена чöжөн вöчас,
Долыдджыкөн лоас аски лун.

Нöшта миян öдöбтыны позьö,
Ордйысьöмын паныны мед кад...
Содтис газ... И трактор төвзьö водзö,
Аслас ыджыд выналы быттьö рад.

1949 во

СИКТСА СХОД

Мунö сиктын ыджыд сход,
Локтис татчö став народ:
Дась нянь сёйысь шöрас сэн...
Дыр нин мунö йöзлөн вен.
Öти шуö:— «Парпонь» рöд!..
— Тунеядец!— горзö мöd.
Весиг мамыс лэптис ки:
— Тайö дышсö вöтлöй тi...
Ветлö-юö вой и лун,
Некор удж вылö оз мун.
Вöтлöй, мödödöй пeж горшöс —
Кыздз ме верда верстьö мортöс?

...Мамлысь кывзис сиктса сход,
Тадзи шуис став народ:
Он кө кöсйы лоны мортөн,
Нинём вöчны тэныд гортын...
Сиктын оз ло места тэд,
Кытчöдз лөк руыд оз пет.

1961 во

2

Por banyas

ТАЛУН—ЛЕНИН

С тав годовщинасыыс,
кодi кад вежиг тырис,
Дзик öти некор оз вун,—
Гудокъясөн, кöдзыдөн
Олöмас пырис
Январь кызь öтикöд лун.
Код лысьтас шуны,
Мый кулöма Ленин?
Кöть и миянкöд
Сийö эз ло,
Кöть и куйлö нин
Мавзолейын
Гым шыөн юралан
Öкмысöд во.
Эз!
Абу кулöма!
Юрын оз кöртавсыыс...
Кор гырысь вермömөн
Олöмыс пуö —
Зэв ыджыд уджын
Медсьökыдторъяссö

Ленин ёрт
 нуис и нуӧ.
 Гудокъясӧн мураліг
 олӧмсӧ выльмӧдны петім,
 И ӧзталім
 куслытӧм би...
 Быд кывла
 и справкала
 сы дінӧ ветлім
 Пятилетка лунъясӧ ми.
 Врагъяскӧд тышкасиг,
 Эз дрӧгмун киясным,
 Кор чужтім колхозъяс
 да уна сӧ домна,—
 Ленин отсаліс,
 велӧдіс миянӧс
 Аслас
 кызь нӧльнан
 томнас.
 Быд посниторяссӧ тӧдмавны
 велӧдӧ кадыс,
 Мед миллионъясӧн
 мунны ён косьӧ,
 Ленин тшӧтш уджаліс
 миянкӧд радысь
 Да миянӧс
 нуӧдіс водзӧ.
 Сійӧ тан —
 вуджӧ плӧтинаӧн ю сайӧ;
 Сійӧ тан —
 гигантскӧй турбинаяс вайӧ;
 Сійӧ сиктъясӧс

Отувъя олөмө чуқсалө
Да нуөдө томмөм странаө.
Вермысь класс
из шомөн, рудаөн грымөдө,
И нетшкө нин
важыслысь медбөръя вуж.
Ленин ёрт
выль вылө кыпөдіс
Медколан,
медкыпыд удж.
Сійө тані —
милльонъяслөн медвылі знамя.
Сылөн Рөдина —
оз судзсы син.
И ставыс, мый вөчөма
бура да сьөлөмөн —
Төдчө сэтөні
Ленинлөн ним.
Пятилеткаөн
кадсө ми венімөй —
Юргө
индустрия нэм.
Ми төдам:
тыдавтөм кырымыс
Ленинлөн
Быд уджын
и вөчөмын — эм.
Сійө тан —
веськыд туй вылө синө
И тайө туйөдыс
восьлавны колө!
Восьлав жө зумыда

Ленин ёрт нимён,
Миян ыджыд
да сөстөм выль олөм!

С. Кирсанов

1926 во

ВОЙВЫВСА ПАРТИЗАНСКОЙ

Кыдз ми вöрын партизанитим —
Тöдö пурга, тöдö лым.
Лев-Британияös ранитим,
Лютöй враглысь чегим вын.

Тыш ми нуим эгö весьшөрö...
Сийö некодыр оз вун.
Кыдзи босьтлис сэк Плесецкöйös
Партизанъяслөн збойлун.

Збыль тэ кösьян врагös венны кö,
Сийös пасьварт! Водзö лок!..
И ми тöдам, кыдзи Щенников
Волис налысь небыд бок.

Кöин котыр Устье-Вагаын
Эз öд этша шойөн вод...
Карпогорын, парма-ягъясын —
Партизанъяслы почёт!

Кöть и шрапнель зэрөн шаргылис,
Косьян эз тiравлы ки.
Дзикöдз вöтлим ыджыд Кардорысь*
Белöй бандаясöс ми.

* Кардор — Архангельск кар.

Гыа мореод корабль вылын
Белой свора пышйис сась.
Миян паськыд Войвыв фронт вылын
Ёна радліс быд боец.

Кыз ми вöрын партизанитім —
Тодö пурга, тодö лым.
Лев-Британияос ранитім,
Лютöй враглысь чегим вын.

В. Жилкин

1934 во

ГАЖА ТОМ ЙӨЗЛӨН МАРШ

Тыр гажа сьылөмысь ыпъялө сьөлөм.
Оз босьтлы гажтөмтчөм некодыр сэк.
И сиктъяс кужоны радейтны сьылөм,
И каръяс сьылөмтө радейтөны век.

Припев:

Збой сьылөм отсалө миянлы уджын,
Пыр водзө чуксалө, нуө, кызд друг.
И коді сьылөмөн олөмті вуджө,
Дзик некод сійөс и некодыр оз дзуг.
Вай восьлав, восьлав водзө тэ, комсомол
племя,
И сьыв, и шутит, мед нюмъяліс бан;
И помтөм сынөд и кадсө ми венам,
Му вылас ми том көзяинъясыс тан.

Припев:

Ми ставсө аддзам и судзөдам бойөн,
И көдзыд полюс, и лөз енэж-свод.
И, кор страна тшөктас лоны геройөн,
Сэк миян лоас геройөн любөй морт.

Припев:

Ми сывны-серавны челядь моз кужам,
Быд зэлыд уджын и тышкасиг кост.
Од ми нин свет вылас сэтшөмөн чужим,
Мый некор сетчөм ни полөмлун оз босьт

Припев.

И враг кө косьөн тыр гаж вылө воас
Да көсьяс миянлысь торкны бур нэм,—
Ми сэки сыланкыв горөдам збойөс
Да сувтам морөсөн Рөдина дор тшем.

Припев.

В. Лебедев-Кумач

1935 во

АВИАЦИЯ МАРШ

Ми чужим,
Медым збыльö пöртны мойдъяс,
Мед венны енэж —
Сынöдса простор.
Сюсь вежөр сетіс
Стальной кияс — бордъяс,
А сьöлөм пыдди —
Ломалан мотор.

П р и п е в:

Пыр вылö,
Вылö и вылö
Ми кыптам,
Кыз муранан гым:
Быд жургысь пропеллерын кылö
Сöветской страналөн
Сталь вын.

Кор вылö лэбам —
Вирным миян томмö.
Пилотöс кывзö
Гордöй самолёт.
И тöдам ми,
Кыз флот воздушной ёнмö,

Став мирас медбур
Пролетарскöй флот.

Припев.

Ёсь сюсьлун ми
Пыр видзам тайö уджас,
Сталь нервным миян
Некодыр оз сыв.
И эскöй тi —
Воздушнöй флотным кужас
Быд грöзлы сетны
Чорыд воча кыв.

Припев.

П. Герман

1935 во

ЗАВЕЩАНИЕ

* * *

Кор ме кула, дзебөй сәки
Менө небыд муө,
Муса Украина степө
Гуавнысө нуөй,—
Медым помтөм мича степьяс,
Лөзов Днепр да кырьяс
Вөлі аддза, вөлі кыла
Налысь мурган кывьяс.

* * *

Менө дзебөй, сәсся кыптөй,—
Чепьяснытө расйө.
Врагкөд тышын найө вирөн
Вөлянытө пасйө.
Ыджыд семьяын ті менө,
Вөльнөй, выль семьяын,
Энө вунөдөй да казътөй
Бур кывйөн син сайын.

Т. Шевченко

1937 во

СЬӨД-ПЕМЫД ВОЙ

Сьөд-пемыд вой...
Сөмын пуляяс гижтөны степь
Да быд проводын жуныгө скөр төв,
Сыло паськыд степ весьтын.
Сьөд-пемыд вой...
Төда, мусаой, оз узьсы тэд:
Пи крөвать дорын гусьоник дыр
Өтнад сөдз синва кисьтан.

Радейта ме
Тэнсьыд нюмъялысь сьөд сэтөр син...
Он тэ төд, кутшөм окота мем
Пөся окыштны тэнө.
Сьөд-пемыд вой...
Частө казьтыла тэнсьыд ме ним,
Көть и паськыда куйлысь сьөд степ
Тэысь янсөдө менө.

Эска ме тэд,
Менам дона пөдругаой, век,
Тайө эскөмыс пуляысь пыр
Менө сьөд войын видзліс.
Нимкодь мем зэв,
Ог ме төждысь жар бойясын сэк,

Төда, сьөлөмсянь примитан тә,
Воа гортө көть кыдзи.

Смертьысь ог пов,
Сыкөд водзсасьлі ме уна пөв,
Да и öні вот ме весьтын сідз
Сійö дугдывтөг дзөрö.
Виччысян тә
Пи кровать дорын пукаліг чөв,
И ме та вöсна төда, мый смерть
Менö неқор оз пөрөд.

В. Агатов

1944 во

ВАСЯ-ВАСИЛЁЧЕК

Мый тэ, Вася, жугыльтчин,
Мыйла лоин зумыш,
Мыйысь юртö öшөдін,
Кутшөм сьöкыд думысь?
Бойö повтөг, шуткаөн
Ветлан тэ, дружочек,
Мый нö тэкөд лои, көн,
Вася-Василёчек?

Припев:

Оз позь дзуглясьны боецлы,
Места шоглунлы эн сет.
Весиг эм көть помка шоглы —
Мед тэ долыд вöлин век.

Нөйтны врагөс — сёрни мөд —
Шутитігмоз бурджык.
Шог, мый юөр ныв оз сет —
Гижөмысь дзык дугдіс.
Төлысь — абу ичөт срок —
Письмөасьөм ори.
Гөгөрвоан, муса вок, —
Сьөлөм муслун корө.

Припев.

Мый тэ, Вася, ыджыд друг,
Весьшөрө дзик шогсян?
Тэ кө муса сылы,— тшук
Юөр тэныд локтас.
Оз кө көсйи гижны нач —
Вунөдөма дзик нин.
Сідз кө, гөгөрво тэ тадз —
Некор эз любитлы.

П р и п е в.

Бойын дружба — ыджыд вын,
Кут тэ сійөс бура.
Сьөлөмыд кө лоас пым —
Радейтысьыд сюрас.
Эн зэв төждысь, муса друг,
Луныс тэнад водзын.
Юртө вылынджык вай кут,
Вася-Василёчек.

П р и п е в:

Оз позь дэуглясьны боецлы,
Места шоглунлы эн сет —
Весиг эм көть помка шоглы —
Мед тэ долыд вөлін век!

С. Алымов

1944 во

МИЯН ГЕРБ

(Л е г е н д а)

Великӧй вӧлі
Тайӧ грозной во,
Кор кыпӧдчис
Да веніс став народ.
Дыр ломтывтӧм
Кремлёвскӧй кабинет...
Тан муніс миян вождяслӧн
Сӧвет.
И накӧд орчӧн
Пукалісны сэн
Батрак, ткачиха,
Вундысь да кузнеч.
А пост вылын,
Дзик ӧдзӧс дорас тан,
Чӧв сулаліс
Винтовкаа салдат.
Сӧвет решитіс:
— Тайӧ кадсянь мед
Му шарыс дзоньнас
Лоас миян герб.
Мед герб вылас,
Кыз енэжын, нэм чӧж
Звездакӧд шонді

Дзирдаласны тшөтш.
А мукөдторсө —
Слава тэныд, труд! —
Мед делегатъяс
Ваясны кыз шуд.
Сталь мөлөт ассьыс —
Озырлун и честь —
Ас мастерскөйсыйс
Вайис сэк кузнеч.
Ёсь, лэчыл чарла
Дөра пытшкын тшөтш
Зэв ылі сиктысь
Вайис вундысь тьөт.
И сьөкыл кольта —
Гырысь шептөн тыр —
Батрак сывтырйын
Вайис пырысь-пыр.
И тан жө вөлі
Лөсьөдөма дась —
Ткачиха пыртис
Пөртмасын кумач.
Сталь мөлөтсө
Кузнечлысь пыр жө сэк
Ёсь чарла бердө
Өтувтис Совет
И лозунг содтис
Лентаыслысь мич —
Тадз тшөктис гижны
Герб ылы Ильич.
Эз вермы овны
Ланьтөмөн салдат:
— Винтовка сетны герблы

Ме тшөтш рад!
Но мудрöй Ленин
Шуис сылы сідз:
— Винтовка тайöс
Век дасьöн киад видз...
И сійö кадсянь
Пост вылын на век —
Салдат пыр видзö
Рöдиналысь герб.

Я. Смеляков

1948 во

ЮРИНДАЛЫСЬ

Поэт да сылӧн книга	3
Кывбуръяс	
Гыяслы паныд	13
Кыа петігӧн	14
Чапаев	16
«Му вежӧм»	18
Том олӧм	23
Том дырйиыд жӧ	24
Джуджыд керӧсын	26
Мӧс видзӧм	28
Бытьӧкӧ ӧні на	29
Куслытӧм кодзувъяс	30
Миянӧс вежысьяс	36
Семӧ	38
Мирон Петыр	43
Коми партизанъяслӧн ссыланкыв	46
Нӧбдінса Витторлы	47
Гажӧн ыпъялӧ зарниа лун	49
Мамлӧн шуд	53
Регыд, регыд ми аддзысям тӧкӧд	56
Эжва кузя кывтігӧн	58
Пӧрысь ниа улын	59
Горняклӧн ныв	62
Кывт жӧ, вӧрӧй	64
Роч ныв	68
Коми удал зон	70
Руд шынеля морт	72
Мамлӧн мӧвпъяс	74
Зонлы тӧдса Эжва шӧр	78
Маша-бригадир	79
Колхознӧй шонді	81

New

